

**STATUTI
I SHOQËRISË ME PËRGJEGJËSI TË KUFIZUAR
"MOTHER EARTH" Sh.p.k.**

Sot më datë 12.02.2021, Z. Panajot Dilo, shtetas shqiptar, lindur më date 04.11.1978 në Vlorë dhe banues në Tirane me mjet identifikimi Karte Identiteti me nr. 033965280 dhe nr. personal H81104136B, ne cilësinë e ortakut themelues ka vendosur të nënshkruajë Statutin e mëposhtëm të një shoqërie me përgjegjësi të kufizuar, aktiviteti i së cilës rregullohet nga legjislacioni shqiptar në fuqi dhe nga ky Statut.

**NENI 1
EMËRTIMI**

- 1.1 Emërtimi i shoqërisë është "Mother Earth" Sh.p.k. më poshtë e quajtur "Shoqëria".
- 1.2 Shoqëria themelohet në formën e një shoqërie me përgjegjësi të kufizuar sipas legjislacionit shqiptar.

**NENI 2
SELIA**

- 2.1 Selia e Shoqërisë ndodhet në Tirane, Shqipëri, në adresën: Rruga e Kavajes, Ndertesa 223, H.18, Kati 3, Tirane.

**NENI 3
KOHËZGJATJA**

- 3.1 Kohëzgjatja e veprimtarisë së Shoqërisë do të jetë me afat të papërcaktuar.

**NENI 4
OBJEKTI I SHOQËRISË**

- 4.1 Shoqëria ka për objekt të saj kryerjen dhe marrjen pjesë në të gjitha aktivitetet që një shoqëri me përgjegjësi të kufizuar mund të ushtrojë në bazë të legjislacionit shqiptar, dhe në veçanti:

Importimin, eksportimin dhe tregtimin e të gjitha llojeve të materialeve dhe pajisjeve elektrike, elektronike, mekanike, elektro-mekanike, kompjuterike, informatike, akustike, elektro – akustike, programeve, moduleve dhe aplikacioneve informatike, të interiorit etj.

Prodhimin, zhvillimin, rimodelimin, integrimin dhe tregtimin e programeve, moduleve, aplikacioneve informatike duke përfshirë çdo komponent dhe sistem *software*-ik si dhe çdo pajisje, komponent ose sistem *hardware*-ik të prodhuar, modeluar, integruar, tregtuar, veçmas dhe/ose të kombinuar me njeri tjerin.

Shoqëria gjithashtu do importojë, eksportojë dhe tregtojë të gjitha llojet e materialeve, pajisjeve, teknologjive dhe sistemeve për industrinë e ndërtimit të objekteve civile, industriale, të atyre me destinacion të veçantë, të prodhimit dhe transformimit të energjisë përfshirë edhe ato të rinovueshme etj.



Shoqëria gjithashtu do të kryejë dhe shërbime të instalimit, mirembajtjes, garancise, suportit, assemblimit, integritit dhe shërbime të tjera të nevojshme ose që lidhen me materialet, pajisjet dhe sistemet e prodhuara dhe /ose të tregtuara prej saj ose prej të tremeve për të cilat kerkohen keto shërbime.

Shoqëria mund të ketë për territorin shqiptar ose me gjere cilesine e perfaqesuesit, distributorit, rishitesit ose komisionerit të shoqerive prodhuese dhe/ose shperndarese të huaja ose vendase për gamen e plote ose të pjeshme të produkteve dhe zgjidhjeve të këtyre shoqerive.


- 4.2 Shoqëria mund të zhvillojë gjithashtu çdo aktivitet tjetër plotësues e ndihmës që rezulton i dobishme dhe/ose i nevojshëm për përmbushjen e objektit kryesor, duke përfshirë tregtimin e produkteve dhe kryerjen e shërbimeve të tjera.

NENI 5 KAPITALI THEMELTAR

- 5.1 Kapitali themeltar i Shoqërisë është 100.000 Lekë (njëqind mijë). Kapitali themeltar është nënshkruar tërësisht nga ortakut i vetem themelues i cili është zotëruar në një kuotë që përfaqëson 100% të kapitalit themeltar, e barabartë me 100.000 Lekë (njëqind mijë);
- 5.2 Përgjegjësia e ortakut ndaj të tremeve, për detyrimet e Shoqërisë, kufizohet në masën e pjesëmarrjes së tij në kapitalin themeltar.
- 5.3 Në rast se në të ardhmen kapitali themeltar i shoqërisë, si pasojë e cedimit të pjesëmarrjes nga ortakut i vetem, do të posedohet nga 2 ose më shumë ortakë, asnjë nga ortakët nuk mund të transferojë kuotat përkatëse të pjesëmarrjes në Shoqëri pa miratimin paraprak me shkrim të ortakëve të tjerë.
- 5.4 Pavarësisht nga parashikimet e paragrafit 5.3, secili ortak mund të shesë lirish, të gjithë ose pjesë, kuotën e tij një ortakut tjetër.
- 5.5 Gjithsesi, në rast se kapitali i shoqërisë në të ardhmen do të posedohet nga një ortak tjetër i vetem, ose nga 2 apo më shumë ortakë, asambleja e ortakëve mund të vendosë të ndryshojë këtë statut dhe të parcaktojë rregulla të reja në lidhje me të drejtat dhe menyrat e cedimit të metejshëm të kuotave mes ortakëve ose dhe ndaj të tremeve.

NENI 6 NDRYSHIMET E KAPITALIT

- 6.1 Asambleja e Përgjithshme mund të zmadhojë kapitalin e Shoqërisë, me kuorumin e përcaktuar në pikën 7.5 të këtij Statuti. Vendimi i Asamblesë së Përgjithshme për zmadhimin e kapitalit do të komunikohet me shkrim ortakëve të cilët u thirren por nuk ishin të pranishëm në mbledhjen e Asamblesë së Përgjithshme që vendosi për zmadhimin e kapitalit.
- 6.2 Në rast zmadhimi të kapitalit, të gjithë ortakët do të kenë të drejtë të nënshkruajnë zmadhimin e kapitalit, në para ose me kontribute në natyrë, në përpjesëtim të drejtë me kuotat që zotërojnë në Shoqëri.
- 6.3 Në rast se disa ortakë heqin dorë nga e drejta e nënshkrimit, kapitali që nuk është nënshkruar mund të nënshkruhet nga ortakët e tjerë. Në këtë rast, këta ortakë mund të



ushtrijnë te drejtën për nënshkrimin e kapitalit, ne përpjesëtim te drejte me kuotat e pjesëmarrjes ne Shoqëri.

- 6.4 Asambleja e Përgjithshme mund të zvogëlojë kapitalin e Shoqërisë, me kuorumin e përcaktuar në nenin 7.5 të këtij Statuti. Ne çdo rast kapitali i Shoqërisë nuk mund të zvogëlohet nen kufirin e përcaktuar me ligj.
- 6.5 Ortaket e përballojnë zvogëlimin e kapitalit te Shoqërisë, ne përpjesëtim te drejte me pjesëmarrjen e tyre ne kapitalin e Shoqërisë.

NENI 7 ASAMBLEJA E ORTAKEVE

- 7.1 Asambleja e Ortakëve, e thirrur në pajtim me ligjin dhe rregullisht e mbledhur, përfaqëson të gjithë ortakët dhe është organi vendimmarrës i Shoqërisë. Vendimet e Asamblesë së Ortakëve, te marra ne përputhje me ligjin dhe statutin detyrojnë te gjithë ortakët rregullisht të mbledhur, që kanë marrë pjesë apo kanë votuar kundër.
- 7.2 Asambleja e Ortakëve duhet te mblidhet te paktën një herë në vit brenda gjashte muajve nga përfundimi i vitit financiar.
- 7.3 Çdo ortak mund te përfaqësohet nga një ortak tjetër ose nga një përfaqësues i deleguar.
- 7.4 Asambleja e Ortakeve ne marrjen e vendimeve qe kërkojnë shumice të zakonshme mblidhet nga ortakët me të drejte vote, qe zotërojnë me shume se 51 për qind të kapitalit dhe vendos me shumicën e votave të ortakeve pjesëmarrës.
- 7.5 Asambleja e Ortakeve ne marrjen e vendimeve qe kërkojnë shumice të kualifikuar vendos me voten pro, te jo me pak se $3/4$ te votave qe perfaqesojne kapitalin total te shoqerise.

NENI 8 ADMINISTRIMI I SHOQËRISË

- 8.1 Shoqëria administrohet nga Administratori, i cili ka kompetencat e përfaqësimit të Shoqërisë dhe kompetencat për te kryer të gjitha veprimet e administrimit të zakonshëm e të jashtëzakonshëm të Shoqërisë, ne përputhje me ligjin dhe statutin e Shoqërisë.
- 8.2 Administratori përfaqëson Shoqërinë ndaj të gjithë personave fizike e juridikë, vendas apo të huaj, autoriteteve shtetërore shqiptare apo të huaja. Administratori kryen të gjitha aktet që i konsideron të nevojshme për realizimin e objektit të Shoqërisë, përveç akteve qe sipas ligjit apo statutit janë në kompetencë të Asamblesë së Ortakëve apo organeve të tjera të Shoqërisë, në përputhje me legjislacionin në fuqi dhe statutin e Shoqërisë.
- 8.3 Administratori emërohet për një periudhe 5 (pese) vjeçare. Administratori është përgjegjës për veprimet e kryera ne administrimin e Shoqërisë.
- 8.4 Administrator i pare i Shoqërisë emërohet Z. Admir Gjordeni, shtetas shqiptar, lindur më date 19/02/1978 në Lushnje dhe banues ne Tirane me mjet identifikimi Karte Identiteti me nr. 035417908 dhe nr. personal H80219162T.



NENI 9
KONTROLLI FINANCIAR, BILANCI, DIVIDENDET

- 9.1 Kontrolli financiar i shoqërisë do të kryhet në përputhje me legjislacionin shqiptar në fuqi. Asambleja e Ortakëve do të emërojë një apo më shumë ekspertë kontabël në ato raste kur emërimi i tyre konsiderohet i nevojshëm ose i detyrueshëm sipas ligjit shqiptar.
- 9.2 Mbajtja e librave të Shoqërisë dhe e dokumentacionit kontabël të Shoqërisë do të kryhet në përputhje me statutin e Shoqërisë dhe me parashikimet e legjislacionit shqiptar në fushën e të drejtës civile dhe tatimore.
- 9.3 Viti Financiar i Shoqërisë fillon më 1 Janar dhe mbaron më 31 Dhjetor.
- 9.4 Me mbylljen e secilit vit financiar, Administratori kryen të gjithë veprimet e nevojshme për përgatitjen e bilancit vjetor dhe të dokumenteve kontabile që do të miratohen nga Asambleja e Ortakëve. Asambleja e Ortakëve miraton bilancet vjetore ose i kërkon Administratorit, në përputhje me afatet ligjore, të kryejë ndryshimet e nevojshme.
- 9.2 Asambleja e Ortakëve vendos në lidhje me shpërndarjen e fitimit neto (dividend) që rezulton nga bilanci i miratuar. Shuma e fitimit neto që do të shpërndahet do të përcaktohet në bazë të bilancit vjetor, pasi të jenë zbritur humbjet e mundshme.

NENI 10
LIKUIDIMI I SHOQËRISË


- 10.1 Procedura e likuidimit e parashikuar në ligjin "Për tregtarët dhe shoqëritë tregtare" do të zbatohet edhe në rastin e prishjes së Shoqërisë.

NENI 11
TE NDRYSHME

- 11.1 Shoqëria do të zhvillojë aktivitetin e saj tregtar në përputhje me këtë Statut dhe me legjislacionin shqiptar. Ligji shqiptar "*Për tregtarët dhe shoqëritë tregtare*" do të rregullojë rastet që nuk parashikohen në këtë statut.
- 11.2 Mosmarrëveshjet që mund të lindin ndërmjet Shoqërisë dhe ortakëve, apo ndërmjet ortakëve dhe trashëgimtarëve të ortakëve ose ortakëve të tjerë dhe/ose Shoqërisë, që kanë për objekt të drejta të lidhura me Shoqërinë, do të zgjidhen nga Gjykata e Rrethit Gjyqësor Tirane.

ORTAKU I VETEM THEMELUESME VULLNET TE LIRE E TE PLOTE E NËNSHKRUAN KETE STATUT TE SHOQËRISË ME PËRGJEGJËSI TE KUFIZUAR "MOTHER EARTH" SHPK

PANAJOT DILO



ORTAKU I VETEM THEMELUES

